

新北市溪洲國小 107 學年度校內語文競賽 高年級客語朗讀文章(四縣腔)

編號 01 號

【路燈下个蟾蜍】邱一帆原作

今晡暗晡就像往日共樣，食飽夜¹就想行到屋面前，啖幾口仔清清个空氣，分正食飽个暈暈个腦筋清醒；順續仔，看幾眼仔屋脣菜園自家種个青菜，分自家有一息息仔成就感！這種習慣，毋知哪央時就養成个？反正，係到該時，就想打開大門，行往出²！

行到屋前，看著光光个路燈四圍，有一大群个水蟻仔，對等電火飛來飛去、飛上飛下。水蟻仔，就好³在落雨過後翕熱个暗晡頭飛出來，無就好在落雨之前翕熱个天時走出來。隔壁个阿伯、伯姆，係看著水蟻仔，就知愛落大雨哩！看該群水蟻仔在電火脣飛，有兜飛恹飛瘵抑係羽翼著傷，失忒平衡，就會跌到路燈下，飛又飛毋走，走又走毋贏。

就在路燈下、大路項，佢實在毋敢相信吾目珠看著个！一、二、三、四、五、六、七、八，總共有八隻、八隻蟾蜍，就在屋面前个

大路項。佢當久當久毋識看著恁多蟾蜍，佢話著吾目珠有問題，就遽遽喊吾舖娘行出屋下來看，啊喔！毋會差，確確係⁴！正想講該蟾蜍係毋係跳出大路項來奈涼⁵，就看著蟾蜍邊脣有該兜飛又飛毋走、走又走毋贏个大水蟻。

八隻蟾蜍，在八個絡食个位跡尋食，舌嫵西出西入先食頭前飛毋停動个大水蟻！再緊跳緊逐脣口該兜飛毋走、走毋贏个大水蟻⁶。過無點半鐘，電火脣个水蟻仔緊來緊少，路燈下个水蟻仔乜分蟾蜍食到淨淨。佢看著該八隻蟾蜍還係企在大路項，等等頂高个水蟻仔跌下來，佢怙怙仔行過去，佢兜無發覺，無跳走！係講車仔駛過來，佢兜係毋知好閃，驚怕會同佢兜輾到綿綿⁷，腸肚就洩出來喔！

好得，差毋多兩點鐘个時間，無一臺車仔駛過屋前這條路，無一隻蟾蜍分車仔輾著，該載喔！八隻蟾蜍食到飽飽，跳轉菜園肚項去哩！

¹ 食飽夜：音 siid bau` ia；吃飽晚飯。

² 行往出：音 hang` gong` cud`；向外走出去。

³ 就好：音 qiu hau；就喜歡。

⁴ 確確係：音 kog` kog` he；確定是。

⁵ 奈涼：音 liau liong`；乘涼。

⁶ 大水蟻：音 tai sui` ngie；一種有翅的白蟻。

⁷ 綿綿：音 mien` mien`；稀爛。

新北市溪洲國小 107 學年度校內語文競賽 高年級客語朗讀文章(四縣腔)

編號 02 號

【牛眼樹下个蠶仔寮】曾菁怡原作

吾妹仔有一日對學校拿等一隻盒仔轉來，裡肚係七八尾像鉛線仔恁大个蠶仔，妹仔講這條學校自然課愛觀察个，佢問佢識畜過蠶仔無？佢笑笑仔領頭，恁起一間用泥磚仔結个蠶仔寮，裡肚畜等成千尾白雪雪个蠶仔，屋頂係用灰色个瓦仔奔等，屋脊還有一頭大嫲頭个牛眼樹；熱天時節，還有蟬仔在樹頂唧唧唧唱歌个聲。

還細該下，每到放寮日，佢就會轉去莊下撈阿公阿婆戴。阿公阿婆除忒無閒田事，還有歸間仔恁恁个蠶仔愛畜。為著畜蠶仔，阿公種欸三坵榮榮个桑仔樹，每擺阿公阿婆在該無閒泊杈摘蠶仔葉該時，佢就在生到塞塞个樹田裡背搞園人尋，「阿婆，你知佢園在哪位無？」佢園到遠遠，大嫲聲問吾婆。「你園好勢唷！佢愛去尋你哩唷！」阿婆詐意仔應佢，摘蠶仔葉恁無閒，佢會有時間來搞寮？正園一站仔，佢分蚊仔叨到歸身仔都起降，實在佇毋著，高不將自家走等出來，唉唉嘖嘖。阿婆看著佢恁狼狽个形投，嘆異毋盼得，遽遽用笠嫲撥啊撥欸，撈佢逐蚊仔，帶等呻生呻死个佢飄轉屋去膏藥仔。

蠶仔寮个門輒常就關核核，淨做得在外背聽等裡肚胥胥疏疏¹个聲，吾婆盡驚上面蹶蹶²个佢入去交手亂串，仰般就毋肯分佢入去看一下。高不將哩，佢就用細人仔盡會使个打潑賴去累³吾婆，佢正無奈何分佢跔入去，毋過三叮嚀四吩咐，喊佢絕對做毋得捉蠶仔來搞。關密密个鐵門「隆～隆～隆～」个打開了，一陣臭轟个味道噴啊出來！「阿姆哀！仰會恁臭？」佢撚等鼻公，目聚聚仔問吾婆。「係蠶砂个味道，該做得拿來治療肚屎痛、頭那痛膠皮膚爪癢唷！」吾婆笑咪咪仔應佢。「麼个係蠶砂？」就……蠶仔屎啦！」阿婆比等細細粒又烏烏个蠶仔屎分佢看。佢想起逐擺肚屎痛，阿婆就會拿欸一兩粒烏烏个臭藥丸分佢食，無成，阿婆就係分佢食該臭胖胖个蠶仔屎？毋知過欸幾多年，佢逐擺看著該烏烏个臭藥丸就驚。

該間蠶仔寮有佢童年个回憶，還有阿公阿婆打拚个身影，毋過這下淨做得在記才裡肚尋咧。幾下年前，阿公阿婆過身以後，牛眼樹同蠶仔寮全部都剷忒，起欸一棟派頭个樓屋，四圍種異多靚靚个花草。牛眼樹下个蠶仔寮像佢个童年，既經毋會過轉來哩。

¹ 胥胥疏疏：音 xi xi so so；狀聲詞，形容細碎的聲音。

² 上面蹶蹶：音 song' mien kied kied；形容小孩子很頑皮、耍賴不聽話。

³ 累：音 lui'；以哭鬧來纏人。

新北市溪洲國小 107 學年度校內語文競賽 高年級客語朗讀文章(四縣腔)

編號 03 號

【河壩水故鄉情】彭歲玲 原作

還細時節，係戴在苗栗山肚，該位一山過一山，山山有坑水。該兜河壩水，係係兜生活盡重要个喂憑¹，做得抽水蔭田、拔水淋菜、河壩洗衫。對係來講，童年回憶就像河壩水，流流流流永不斷。

河壩脣个景色實在盡靚，尤其係逐年五月天油桐開花个時節，白到滿山坪。河壩脣還有一種雪白个野薑花，有種特別个親切自然，花香使人舒爽，係時常摘轉去屋下欣賞，有一種感動、幸福个感覺。

係係滿妹仔，兄弟姊妹歲數差當多，故所盡黏阿姆。還記得，阿姆逐日朝晨頭一定會揸等菜籃去河壩洗衫，河壩水鮮到見底，洗衫時節腳放在水肚，水肚个溜苔、魚仔、蝦公，時常會爬到腳邊爪癢，該感覺盡像來撩你、尋你搞樣仔，想愛用手去捉又捉毋著。同蝦公搞，會暢到毋知好轉，故所，係盡好去河壩洗衫，洗越久越好。

阿姆在山排開碓仔做菜園，去河壩拔水躡崎上菜園係逐日个事頭，係也想愛搵手，就學阿姆拔水上大崎。毋過，一擔水晃晃激激，拔到菜園伸²無一半，阿姆看係恁煞猛，佢會笑笑仔講：「拔少無相干！做事情毋好半桶水就好！」阿姆个話，影響係盡大。

阿姆煞猛種菜加上畜頭牲，三餐飯菜從來就毋使買。連係兜細人仔搞到肚屎粿，菜園肚个笏瓜³隨手摘來食，就係止飢最好个零嗒。

係兜最好用阿爸做个笏仔⁴捉蝦公，內肚放等攪飼料个香飯糰，蝦公鼻著就會爬入去，笏仔入得出毋得，就有一笏仔个蝦公。竹笏仔差毋多隔 50 公尺放一個，用石頭砵等，第二日正來收。毋過，成時無堵好會收著隔壁鄰舍个，故所，愛注意，係無你就愛將煮好个蝦公兜一盤去同人會失禮囉！

河壩水成時也會像發譴樣仔：堵著風搓天，浩洪斗雨，河壩湊盆湊鉢無法度行兼。該河壩係係兜去學校讀書一定愛經過个路，平常時一粒一粒石頭排列个石跳仔就係橋。毋過，風搓天發大水，水湊到麼个都看毋著，放學時節，一定會看著莊頭肚个阿叔阿伯，在對面等等愛帶細人仔過河壩，大人細子手牽手渡過危險。這河壩水帶分係兜个考驗，也分係兜體會著大人惜細子个情懷，永生難忘。

月係故鄉圓，水係故鄉情，流不停个河壩水係醺醺⁵个鄉情，這份情係係這生人最珍貴个寶。

¹ 喂憑：音 va` ben；依靠。

² 伸：音 cun`；剩下、多餘。

³ 笏瓜：音 ned` gua`；小黃瓜。

⁴ 笏仔：音 ho` e`；捕蝦簍、捕蟹簍。

⁵ 醺：音 neu`；濃稠。